

60 .

no. 24

HISTOIRE IOVRNALIERE,

DE TOVT CE QVI SEST
faict & passé en France:

DEPVIS LE DEPART DV
Roy de Fontaine-bleau, le 28. Avril
1621. iusques à present 31 Decembre



A PARIS,

POUR CHARLES CHAPPELAIN,

M. DC. XXII.

Avec Permission.

HISTORICAL

OF THE

STATE OF

NEW YORK

FROM 1784 TO 1800

IN TWO VOLUMES

VOLUME I

1800

NEW YORK


PRINTED BY

JOHN W. BAKER

AT THE

PRINTING OFFICE

OF THE



HISTOIRE IOVRNALIERE, DE TOVT

ce quis'est faict & passé au voyage du Roy, depuis son depart da Fontaine-bleau le 28. Auiil 1621. iusques à present.



A desobeyssance des Rochelois, les diuers cercles des gens de la Religion pretendue: les rebellions cogneuës & manifestes dans le Languedoc, Viualets, Guienne & ailleurs, resolurent finalement sa Majesté de porter sa main aux extrêmes: puis que a longue patience & sa grande bonté n'auoyent peu ramener les meschans au deuoir, & garantir ses bons subjects d'oppression & de trouble.

Ia estoient quelques mois escoulez que sa Majesté auoit comme dissimulé l'entreprise directement contraire à son autorité par ceux de ladite Religion au Viualets.

Chacun scait comme les habitans & Consuls de la ville de Priuas, se sont declarez ennemis du Roy, & du repos public, par plusieurs actions qu'ils ont commises, I's auoient dessein d'attaquer le Chasteau dudit Priuas ce quel'on a veu esclorre le vingt huitiesme iour de Ianuier 1621. à deux heures apres midy, par le combat d'entre ledit Chasteau & la ville. Auquelle sieur de saint Palais Gouverneur d'iceluy à esté contrainct d'en venir aux coups.

De ce mouuement Monsieur de Vantadour en fut aduerty le mesme iour à deux heures de nuict, & dès le lendemain matin qui estoit le Vendredy, il enuoya deux Gentils hommes, l'un Catholique, & l'autre de la Religi-

4

on pretenduë Reformée, scauoir est, les sieurs de Cham-
baud, Gouverneur du Roussin: & de Boissi, Capitaine
Chastelain de Voulte, lesquels rendirent ses lettres, tant
aux Consuls & Habitans, qu'audit sieur de saint Palais,
lesquelles estoient en si bons termes, que les plus passion-
nez auoyent dequoy s'en contenter, puis qu'elles ne ten-
doient qu'à esteindre le feu qui alloit embrazer & ruiner
cette pauvre ville, & qu'il leur offroit vn secours & vne
assistance paternelle. soit par son autorité comme Lieu-
tenant de Roy, attendant que Monsieur le Duc de Môt-
morancy qui en estoit esloigné y peut apporter la sienne,
comme estant Gouverneur en chef de la Prouince; soit
par l'entremise de messieurs de la Chambre de l'Edict de
Castres, & Predsial de Nismes leurs Iuges naturels, des-
quels ledit sieur de Vantadour feroit venir des Commis-
saires pour y rendre la Iustice, & chastier les delinquans.
Mais au lieu de receuoir en bonne part lesdites remontrâ-
ces, lesdits Chambaud, & Boissi, trouerent que les Con-
suls estoient commandez, & gouuernez par des seditieux
que la Iustice y estoit opprimée & mesprisee, & fallirent
d'estre tuez d'une mousquetade, comme ils sortoient du
Chasteau pour venir à la ville, par les mutins & seditieux
d'icelle, lesquels empescherent pour lors que les Consuls
ne firent point de reponce à la lettre dudit sieur de Van-
tadour, & deux iour apres ils s'en sont excuséz par vne
lettre, qui fait bien paroistre le deplorable estat de cette
pauvre ville, laquelle en l'année derniere, dix mois au pa-
rauant à cousté deux cens mille escus au païs de Viurets,
de Velay, & de Geuaudan. Surquoy est à noter que
quinze iours auparauant ce desordre, ledit Duc de Van-
tadour enuoya commission audit Viscomte de Cheylane
pour raser la tour du Lac, qui luy estoit inutile & sans re-
uenue, sur l'aduis qu'il auoit receu que les seditieux s'e-
saisiroient, comme ils ont fait, & tesmoigné le grand mes-

5

pris qu'ils portent à la Iustice en la personne du Preuost de Vernhes, que ledit sieur de Vantadour enuoya pour informer del'exez commis contre vn maïsson, qui auoit tra-uailé au Chasteau au commencement dudit mois de Ian-uier. Et aussi pour verifier ce nouveau bastiment de Cita-delle, & platte forme, dequoy estans aduertis lesdits se-disieux, ils le vindrent trouuer dans sa chambre le pistolet à la main, & le chien abbattu, & luy dirent que s'il passoit outre à faire nulle procedure. & inhibition de la nouvelle fortification, qu'il luy en cousteroit la vie, & que les Con-suls n'en auroient pas meilleur marché, desquels ledit sieur de Vantadour scauroit la mort aussi tost des vns que de autres, avec des blasphemés contre l'honneur & l'authorité du Roy desquels la memoire doit estre supprimée, a moyen dequoy l'on peut voir que ledit duc de Vantadou à esté contrainct & obligé d'armer puissamment, afin de conseruer l'authorité du Roy, & de sa iustice, & d'em-pescher que ledit Chasteau de Priuas ne fut prins & forcé lequel estoit assiégué par le sieur de Brisson, & autres rebe-les au Roy. qui s'estoient à mesme temps assurez du Chasteau d'Antrevaux, & de celui de Liuiers, appartenant vn gentil homme Catholique: du moulin de Veroux & du pont des Chauchiers, où ils posèrent des guerites qui estoient feictes de longue main.

Mais ny luy ny la forte resistance des soustenans n'ou-peu si bien faire, qu'apres que lesdits habitans se sont rendus maistres des villes, ils n'ayent encores sappé le fondement du chasteau, par vne mine & contrainct ledit sieur de saint Palais d'en sortir avec mille outrages, au grand mespris de l'authorité & des commendemens du Roy.

Cette sortise ne fut pas seulement commise de ce costé il s'en fit bien d'autres à mesme temps à Montauban & Castres contre les Catholiques.

Vn autre cas arriua à Tours au mois d'Auril ensui-

vn trouble & vne sedition estrange, qui alloit porter cette pauvre ville à vne sanglante entreprise, sans la prompte preuoyance des Magistrats. Ce qui aduint pour quelques iniures qui furent dites par les enfans à ceux de la Religion qui accompagnoit vn mort en leur cimetiere: sur ces iniures quelqu'vns de ladite compagnie frappent aucuns de ses enfans: les parens & autres Catholiques voyans cela se iettent sur ceux qui les auoit frappez, le tumulte s'esleue la dessus, la sedition s'accroist par la fureur d'vne menue populace qui poursuivent leldits de la Religion, les veulent assassiner, disans qu'ils sont cause dont on parle de la guerre, brussent leur temple, se iettent par impetuosité en quelques logis, qui furent pillez; & sans le Maire & les Magistrats, il y alloit auoir vn grand meurtre dans Tours, cette peur quelque peu attiedie, on se saisit de quelques vns qui auoient commencé ce desordre. surquoy peu s'enfallit que le tumulte ne redoublat encore plus que deuant: le bruit de icelle sedition volle par tout, le Roy en est aduerty, croyant que cela pouuoit donner occasion d'en faire autant contre les Catholiques es villes de la Religion, voulut que iustice fust faicte des auteurs, & y enuoya estes Monsieur le Doux pour en informer, faire le procès & punir les coupables. Monsieur le Doux arriué à Tours, n'auant le à l'instruction du proces de cinq qui auoient esté pris & estant condamnez à la mort, vne furieuse rage prit le menu peuplé qui se porta à l'auditoire, poursuivit la iustice mesme le sieur le Doux, rompent les prisons & eurent en'euer les prisonniers, ceux de la Religion y est plus en danger que deuant; & quelques logis d'iceux sont encore pillez, & ne sceut on faire aucune execution des criminels pour ce coup, mais pourtant ils n'en meurerent impunis comme nous dirons tantost. Le Roy pour cette considération & autres voulant enuoyer le repos de ses peuples: fit vne nouuelle declara-

tion le 20. Auril, par laquelle prenoit ceux de la dite Religion pretendue Reformee qui se maintiendroyent en son obeïssance & seruice, en sa protection & sauue garde: & fut ennoyée en ses Parlemens pour estre verifiée.

Après la Declaration que dessus, le Roy ayant faict donner ordre aux obseques & funerailles du Roy d'Espaigne, tant à Fontaine-bleau qu'à Paris: considerant la necessité de sa personne es lieux où le mal empiroit, partit de Fontaine-bleau le Mercredi 28. Auril avec le Prince de Ioinuille, le Cardinal de Guise, le Duc d'Elbeuf, le Conestable, les Ducs de l'Escliquieres, de Brissac, de Chaune, de Luxembourg, Marechal de Praslin, Monsieur de Criquey, & autres Grands, ayant enuoyé Monsieur le Prince de Condé en Berry, le Duc de Guise en Provence, & le Duc de Mayenne en Guyenne, avec commissions suffisantes pour y leuer des troupes, & y entretenir son seruice.

Sa Majesté ayant demeuré quelques iours en chemin, arriue à Orleans, le Samedi 3. May, & y fut iusques au Lundy quelle en partit pour s'en aller à Blois. Pendant le peu de seiour que fit le Roy à Orleans quantité de Noblesse ioignit sa Majesté: & comme elle desiroit l'entiere obeïssance par toutes ses villes, particulièrement de la Religion pretendue, ou on luy en vouloit disputer l'entree, elle se resolut de s'en rendre le Maistre: & ne voulant s'arrester à Gergeau, quoy que distraicte d'Orleans que de trois ou quatre lieues, scachant assez les torts & dommages qu'Orleans & le pais de Sollogne, receuoient d'une poignée de pillards & picquoyeurs, qui auoient leur retraicte là dedans, partant dudit Orleans, commanda aux Comte de saint Paul, & Marechal de Vitry, de contraindre la place, en faire sortir la Garnison, & l'asseur à son seruice. Ces deux Seigneurs l'entreprennent sur l'assurance qu'ils ont de la bonne affection de la ville

d'Orleans, qui auoit promis à sa Majesté contribuer tout ce qui seroit necessaire à cette expedition. Ils se font assister de cinq cens cheuaux & de mille hommes de pied, avec lesquels ils somment la Garnison de Gergeau de rendre la ville au Roy, demande facheuse à vne compagnie de telles gens, de longue main habitez en vne place, qui les receuoit au couuert de la poursuite des Preuosts: aussi font ils difficulté d'obeir, & pour couler le temps, & contenter le Comte saint Paul de Parolles, esperans quelque forme de secours, luy font dire qu'ils ne rendront la place qu'à la veuë d'un commendement special de sa Majesté, & par escrit: lequel leur ayant esté donné par un autre eschapatoire, proposent ne sortir que moyennant quelque somme de deniers: ce qui fit resoudre lesdits sieurs, de faire venir d'Orleans six pieces de canon, avec lesquels ayant enuoyé quelques vollées contre la place, & ja entamé leurs deffences, ils furent contrains de demander la composition, qui leur fut accordée telle qu'on les laisseroit sortir vie & armes sauues, avec quelques huict mille francs, que de grace sa Majesté commanda leur estre deliurés, tant pour la redition de la place, qu'en consideration de ce qu'ils remonstrent qu'il y auoit quatre mois qu'ils n'auoient receu de monstres, & estoient de beaucoup redevables à leurs hostes. Ils sortirent de la ville de Vendredy 21. May, environ trois cens soldats, & s'en allans, protesterent & s'obligerent par serment entre les mains dudit sieur Comte de ne porter iamais les armes contre sa Majesté, & fut grandement resiouy le peuple d'Orleans de ceste reduction: car ils estoient souuent de trouffez par les surueillans de Gergeau.

Le Roy arriué à Tours commanda que iustice fut faicte des autheurs de l'emotion qui s'y fit quelques semaines auparauant, contre ceux de la Religion pretendüe reformée, comme dit est, & pendant son sejour, cinq pri-

9

sonniers contraincus de ce faict, furent executez à mort pour exemple.

Sa Majesté estant à Tours, desira voir si dans la ville de Saumur on luy redroit l'obeissance qui luy estoit deuë: & pource dés l'heure mesme resolut de s'y achemner. Le Lundy 10. May les Fourriers du Roy estants arriuez à Saumur, par commandement de sa Majesté, commencerent à marquer les logis, & mesme marquerent le logis du Roy, qui est en la ville comme aussi celuy de la Roynes son espouse. Le soir du mesme iour arriuerent six compagnies du Regiment des Gardes de sa Majesté aux faux-bourgs de la Croix verte, qui disent enuiron mille ou douze cens hommes. Ce que voyant la garnison de Monsieur du Plessis, fit place nette aux Gardes du Roy, & s'en alla prendre logement ailleurs. Le Mardy matin arriuerent les Suisses aux faux-bourgs de Fenet dudit Saumur, où estans suiuant le commandement de leurs chefs, montent au Chasteau, & frappent à la porte, qui leur estant aussi-tost ouuerte, entrent dedans, & plantent vne picque à l'entrée: Dequoy estant aduertie Monsieur du Plessis enuoya prier lesdits Suisses d'auoir patiëce qu'il eust enuoyé au Roy pour sçauoir sa volonté. Incontinent apres monta au Chasteau le Fourrier de sa Majesté avec vn Escheuin de Saumur, qui alloit là dedans pour y marquer le logis du Roy: Monsieur du Plessis luy demanda s'il auoit commandement du Roy de ce faire: le Fourrier luy respondit que non: mais trop bien qu'il auoit charge de le loger. Alors ledit sieur du Plessis despescha promptement vn Courrier au Roy, pour sçauoir son intention, & pendant ce, lesdits Suisses estoient deuant l'Eglise de Saint Pierre faisans bonne garde, avec force sentinelles. Sur les deux heures de releuée du mardy 11. de May l'on deffit le logis du Roy, qui estoit fait dans la ville, & porta-on tout l'ameublement au Chasteau, apres que les Capitai-

nes des Gardes de sa Majesté en eurent pris les clefs, & vuidé tout ce qui estoit dedans, tant meubles que munitions de guerre, Canons, & autres choses qui estoient audit Chasteau. Cela fait les Compagnies tant du Regiment des Gardes, que des Suisses, montent audit Chasteau. Et cependant ledit sieur du Plessis en sort par la ville en son carrosse & fait sortir sa garnison par la porte des champs, & leur assigna logement es lieux de Varré, & de Chailé. Le mesme iour arriva le Roy sur les quatre heures apres midy, & alla droit descendre à la Chapelle. Ce qu'ayant appris Monsieur du Plessis, alla aussi-tost saluer sa Majesté: comme aussi firent tout le corps de la Justice dudit Saumur: Et apres que sadite Majesté eust fait ses prieres à ladite Chapelle entra dans la ville par la porte de la Tonnelle, où le Clergé estoit assemblé, la recevant avec vne belle & briefue Harangue. De là le Roy prenant son chemin pour monter au Chasteau fut salué & applaudi par vn tel cry du peuple, que le Ciel estoit obscurcy du nuage de ces voix, VIVE LE ROY, A quoy respondant le Roy, & par fois ostant son chapeau, disoit, VIVE MON PEUPLE, montrant le grand contentement qu'il auoit de voir vne si belle obeissance. Avec cest applaudissement sa Majesté monta audit Chasteau, & y prit logis. Incontinent apres arriva la Roynie de France, puis en suite Monsieur le Connestable, lequel donna son logis de ville à Monsieur du Plessis, qui estoit le logis du Greffe de Saumur, où demouroit Monsieur du Bouchet: ce qui facha fort Madame de Villarnou, de se voir deslogée deux fois en deux iours.

Pendant que le Roy estoit à Saumur le sieur du Plessis mornay s'est retiré de la ville, s'est deffait de la charge de Gouverneur & en sa place y a esté mis le Comte de Sault fils de monsieur de Crequy, lequel apres que sa Majesté en fut partie fit sortir toutes les Garnisons qui

estoyent dans les tours de la ville, & y en mit d'autres en leur place : aussi dans le faux-bourg appelé de la Croix Verte fut logé le Regiment du sieur de la Reinuile, attendant la volonté du Roy pour partir ou demeurer : & durant le séjour de cinq iours de leurs Majestez, se firent les ceremonies du Baptême du fils du Comte de Montseigneur que la Royne de France leua sur les Fonds.

De Saumur le Roy s'en alla par grande deuotion visiter l'Eglise de nostre Dame des Hardilliers, & arriuant le 16. May sa Majesté y communia avec tant de tesmoignage & de pieté enuers la Vierge, qu'à son exemple & imitation les princes & presque tous les Seigneurs de la Cour firent le semblable.

De là sa Majesté descendit à Thouars ville appartenant au Duc de la Trimoüille sur les frontieres du Poictou, où luy fut renduë toute sorte d'obeyssance. Et de là voulant tirer en Poictou le 20. May commande que l'on face marcher les Suisses qui estoient demeurez à Saumur, & que l'on amene douze pieces d'Artillerie de ladite ville, pour estre conduictes deuant Sainct Iean d'Angely, sur l'aduis que le Roy auoit ja eu de la place. De Thouars il va à Parthenay, de là à Fontenay le Comte, où estant, Maillezay Marans & autres lieux viennent protester de leur obeyssance à sa Majesté, qui finalement fut receüe avec grand applaudissement dans Niort par le sieur de Parabelle & de tout le peuple, le Dimanche 23. May où se minutta la forme du Siege de Sainct Iean d'Angely : Pendant, quoy afin d'obuier à beaucoup de dangers qui pouuoient arriuer au preindice du repos public, dans aucunes places du Royaume, sur le bruit ocurent du siege de Sainct Iean & des approches de l'armée Royale dans le pais d'Anjou aussi sur le sujet de ce qui s'estoit passé à Tours, sa Majesté considerant que Dieppe place maritime & port im-

portant deuoit estre conserué & retenu en deuoir, trou-
 uua à propos de faire desarmer les gens de la Religion pre-
 tendue, y residents, pour leuer tout outrage de sedition
 & y laisser les habitans assurez les vns avec les autres.
 Rouen, ville grandement peuplée, le premier mobile de
 ceste grande Prouince de Normandie, & grandement
 meslée d'habitans de l'vne & l'autre Religion, dont les
 desffiances mettent souuent les Magistrats en grand' peine,
 auoit besoin d'vne sage preuoyance, en la naissance de ce
 trouble: Aussi commandement nouveau arriue au Duc
 de Longueuille de faire rendre les armes aux habitans de
 la Religion, pour l'exercuter il vse d'vne grande prudence
 necessaire à cette actiō: pour preuenir vne grand bruit: fait
 vn soir de bonne heure fermer les portés de la ville, com-
 mande à tous les Capitaines des quartiers d'armer leurs
 Compagnies, & les assembler toutes en la grand' place,
 les Bourgeois de la Religion se trouuent aussi bien à cette
 monstre que les Catholiques, chacun à son enseigne:
 de tout assemblé ledit sieur Duc appelle à soy les Chefs,
 leur communique la volonté du Roy, & le cōmandement
 qu'il luy estoit faict, lequel il faillloit executer, que pour ce
 sujet il auoit faict assembler tous les quartiers: & que pour
 rebuier à la sedition, il estoit besoin que chaque Capitaine
 se fit assister, & pour faire poser bas les armes de ceux de la
 Religion, chacun en sa compagnie, ce qui fut faict sans be-
 aucoup de difficulté: la nuict se passe avec bonne garde
 par la ville; le lendemain se publie le commandement de sa
 Majesté à son de trompe, enjoignant ledict sieur Duc à
 tous habitans faisant profession de la dicte Religion preten-
 due d'apporter les armes qui estoient en leurs logis sur pei-
 ne de crime de leze Majesté. Cela aussi tost commandé, on
 vit dans la ville que tout deuoir d'obeissance, chacun
 leur donnoit librement ses armes sans aucune contrain-
 te, dont ledit sieur Duc demeura fort content.

Ceux de Caen craignant d'auoir pareil commandement, enuoyerent leurs Ministres & Antiens vers le Marquis de Mosny Gouverneur de la ville & Chasteau, scauoir quelles nouuelles il auoit du Roy, à quoy respondant ledit sieur leur dit; qu'il n'auoit autre charge sinõ les maintenir en repos & les exorter à la fidelité: Haure de Grace, Falaize, & Alençon, eurent mesmes frayeurs, mais sans effect.

Pont-Orson place d'importance pouuoit donner quelque jalousie à la basse Normandie, estant commandée par le Comte de Montgomery, personnage de la Religion, grand Capitaine, & pecunieux, pouuant tousiours leuer à ses despens vn equipage de plus de deux mille hommes pour tenir ses voisins en bride, s'il se mettoit à mal faire; mais il a tellement assésuré le Roy de son seruice & obeïssance, qu'il a offert de luy rendre la place quand il luy plairoit.

Vne légère émotion suruenüe dans Vitré, au sujet de ceux de la Religion, fut cause de leur desarmement par l'autorité du Roy, & du Duc de Vendosme y present, & possible vne partye du sujet de la conuersion du Ministre de la ville, & de plusieurs notables habitans de la Religion par le Pere Gaspard Seguerand Iesuite, les festes de la Pentecoste.

En Picardie mesme desarmement se faict es villes de Pore, S. Quentin & Laon, souz ces condictions que c'en estoit que pour assésurer le repos public, leuer les desances, & couper la racine des seditions.

Neantmoins toutes ces raisons n'assésurent point tant ceux de la Religion, que voyans ainsi leurs freres desarmés en quelques endroiets, ils ne soyent si mal aduisez de soubçonner quelque mauuais dessein des Catholiques, & si cet ombrage beaucoup d'eux sortent de Paris se retirent à Sedan, plusieurs de Rouen, Dieppe & Caen passent &

Angleterre: action blasmable d'un peuple qui ne doit jamais se deffier de la foy d'un bon Roy, qui ne demande que l'obeïssance & l'amour de ses subjects.

Aussi la Majesté aduertie de toutes ces vaines apprehensions des gens de la Religion, pour les asseurer & donner tout sujet de se louer de sa bonne intention, fit vne nouvelle Declaration à Niort le 17. May, confirmant ce qu'elle auoit promis ausdits de la Religion par sa premiere Declaration du 20. Avril dernier elle vouloit que toutes sortes de personnes faisans profession de ladite Religion en son Royaume eussent à comparoir aux Greffes des Baillages & Seneschaussées de leur ressort, & là declarer, qu'ils desauoient & detestent tout ce qui s'est passé, fait, traicté & conclud, se fait, & se traicte en l'Assemblée de la Rochelle & ailleurs, contre le seruice de sa Majesté, se desistient de toute ligue & association contraire à l'autorité Royale, & promettent demeurer inuiolablement en son obeysance, sans s'en departir iamais pour quelque cause ou occasion que ce soit, quoy faisant ladite Majesté les prenoit en sa protection, voulant qu'ils viuent en paix avec les autres bons subjects souz le benefice des Edicts.

Ces choses furent executées fort exactement en plusieurs endroicts du Royaume, particulièrement à Roüen, ce qui fit retourner en ville beaucoup de particuliers qui s'en estoient allez.

Pendant que ces choses se passent nouvelles arriuent en Cour de la reduction de la ville de Sancerre à l'obeysance du Roy, ce qui arriua en cette sorte.

Sancerre est vne ville à cinq lieues de la Charité sur Loire, commandant de son assiette tres haute au passage de la riuiere, elle auoit cy-denant vn Chasteau assis sur vn rocher. qui a autresfois bien donné de la peine & soustenu vn fort siege, il est maintenant presque ruiné & n'y restent rien que quelques vieilles murailles, qui peuuent encore

deffendre la ville. Ceux de dedans la ville sont la pluspart
de la Religion pretendue Reformée, y commandent ab-
solument, & ne veulent obeyr qu'à discretion, le Roy qui
projettoit que cette place pouuoit faire du mal en temps de
trouble, & incommoder le pais comme elle auoit iadis
faict, auoit commandé au Comte de Sancerre, Gouver-
neur de la ville & chasteau, d'y mettre garnison pour les
retenir en deuoir pendant son voyage: Sur ce comman-
dement il fait appeller les principaux de la ville, leur de-
clare la volonté du Roy, & les exhorte de receuoir garni-
son de sa part à l'amiable sans courir risque de se perdre en
la souffrance d'un siege, veut qu'ils l'obligent de cette obeis-
sance, & les coniure de ce faire sur l'amour qu'il leur por-
te: ils luy respondent que sur cette proposition ils tien-
dront Hostel de ville, dans lequel fut resolu de ne receuoir
aucune garnison, & qu'ils respondront de leur ville à sa
Majesté: mais par prieres ledit sieur Comte en gaigne
quelques vns, & ceux cy entraînent le reste du corps de la
ville pour luy donner quelque contentement: mais voicy
la fraude: ils vont trouuer le Comte, luy disent quel-
le volonté des habitans estoit de ne receuoir aucune garni-
son; & que pour l'asseurer de leur fidelité on luy porterait
tous les soirs au Chasteau les clefs des portes, & ne se fer-
meront ny ne s'ouuriront que par son commandement:
se contente de cette resolution, reçoit les clefs de la ville
tous les soirs, les rend tous les matins: mais il ne scauoit
pas qu'ils auoient faict faire d'autres fausses clefs, pour
faire entrer & sortir de la ville ce que bon leur sembleroit
nuictamment: de quoy ils s'apperceut bien mais trop tard
car vn iour entr'autres, comme il retournoit de la chas-
se r'entrant à la ville, au lieu d'aller droit au Chasteau par
chemin accoustumé, il passa par la Halle de la ville, où
fut estonné d'y voir comme vn corps de Garde de soldats
extraordinaires, avec force ratelliers garnis d'armes & a

rebagage, c'estoit la Garnison de Gergeau que les habitants de Sancerre auoient receuë dedans leur ville. Voyant cela il faict venir le Maire, s'enqueste à quel dessein on auoit faict entrer vne nouuelle Gendarmerie dans la ville, comme il disoit cela vn déterminé Soldat de Gyen sur Loyre appellé la Perle luy presente le pistolet en teste, d'autres l'entourent, & se voyant ainsi en danger d'estre tué, se retire en vne Abbaye proche la ville, croyant que c'estoit à ce coup que la rebellion estoit notoire, & que Sancerre estoit perdu pour le Roy. Ceux du Chasteau, qui auoient protesté de viure & mourir avec luy, se mettent à retrancher contre luy, quoy qu'ils ne fussent que quatorze ou quinze Soldats dedans: Ce que voyant le Comte de Sancerre, enuoye promptement vers Monsieur le Prince de Condé, qui reuenoit de Moulins avec son armée de deux mille hommes de pied, & cinq cens cheuaux, le suppliant de faire diligemment approcher ses troupes, & reconquerir, s'il estoit possible, cette place au Roy: Sur cet aduis Monsieur le Prince s'aduança avec son armée; à son arriuée le Chasteau est attaqué avec furie, & si promptement que contr'escarpe estant gaignée, ceux de dedans furent contraints d'obeir; le Chasteau rendu, alloit grâdement incommoder la ville, à laquelle il commande: De sorte que les habitants ayant frayeur d'estre punis, pillés & chastiez, se rendent à Monsieur le Prince le Samedi 29. May, chassa la garnison de Gergeau qui estoit dedas, avec protestation de ne plus porter les armes contre le Roy, & y en mit vne autre: Ainsi Sancerre fut presque aussi-tost pris que reuolté, & Dieu fauorise les armes de sa Majesté.

Tant d'exploicts & tant de leuées d'armes, neantmoins débouchent point les Rochelois, ny saint Iean d'Angelle leur resolution opiniastre: Les Rochelois conduits par leur Assemblée, font vn département general pour le service de la guerre, qu'ils enuoyent par toutes les Eglises pre-

rendues reformées de France, créent Tresoriers Generaux, & special, aux Commissaires, Agens, pour exercer leurs fonctions aux Prouinces, ainsi qu'un Souuerain pourroit faire, establisant Bureaux de receptes pour la collection des deniers du Roy, ordonner des Chefs de Gendarmerie par tous les Gouvernemens de France, lesquels ne feroient rien sans l'aduis & conseil de ladite Assemblée, projecttent de faire le Duc de Bouillô General de leurs armées en France, auquel tous autres Chefs obeiront, & luy se gouuenera en l'exercice de ceste charge selon le conseil qu'ils distribueront aupres de sa personne : Bref ils dressent vn cahyer, de quarante-sept Articles, qui fera à jamais cognoistre leur impudence, venue à tel excez de crime, qu'il n'y a sorte de chastiment qu'ils ne meritent.

D'ailleurs, nous apprenons par lettres de Monsieur Mazurier premier President de Thoulouze esrites au Roy, que ceux de Castres ont tellement gourmandé les Catholiques, que beaucoup d'eux ont esté contraincts de sortir: les Conseillers Catholiques de la Chambre ne pouuât plus supporter l'insolence de leurs haineux, se vouloient retirer, ce qui mit ceux de la Religion pretendue en grandes pensées, & craignants pour ce attirer sur eux l'indignation du Roy, ne leur voulurent permettre de sortir.

A Montauban, l'Assemblée generale des Eglises pretendues qui s'y tient par Abbregé, trenche aussi du Souuerain. A Thoulouze auoit esté conduit prisonnier vn nommé la Combes, pris pour beaucoup de sortes de crimes commis: ainsi comme on traualloit à son procez, ledit Abbregé de l'Assemblée de Montauban ordonna qu'à faute de luy ouuir les prisons, & de l'enuoyer à la Chambre de Castres, il feroit vié de repressailles sur ceux de ladite ville de Thoulouze, donnant charge & pouuoir au sieur de de ce faire.

Tout le Languedoc, & les villes de la Religion preten-

duë de Guyenne & ailleurs, sont en grande rumeur des nouveaux exploits d'armes, que le Duc d'Espéron viét de faire en Bearn, lequel en a chassé le Marquis de la Force, renforcé les Garnisons du Roy, fait démolir quelques Chasteaux rebelles, punir quelques mutins, & contrainsts les autres d'obeir, executant en cecy les commandemens de sa Majesté, qui a priué, pour plusieurs considerations, le Marquis de la Force du Gouvernement de Bearn, donné au Marechal de Themines, & de sa charge de Capitaine des Gardes, donné au Marquis de Mosny.

Voyons maintenant ce qui se passe à S. Iean d'Angely.

Sur les preparatifs de ce siege arriue en Cour l'Ambassadeur d'Angleterre, portant nouvelles au Roy, de la volonté de son Maistre, que la verité estoit que dans l'Angleterre on auoit voulu pratiquer quelque assistance pour ceux de la pretendue de France, souz ce faux donné à entendre, que on vouloit attaquer leur liberté de Religion: mais que sa Majesté Serenissime ayant sceu le contraire, que tout le different n'estoit que pour l'obeissance que quelques villes de la Religion de France refusoient à leur Roy, la cause de les forcer d'obeir estant iuste, tous les Roys du monde y estans interessez, promettoit au nom dudit Roy son Maistre toute assurance de sa part; mesme toute assistance à sa Majesté Chrestienne en cette occasion s'il estoit besoin: De la bonne volonté duquel le Roy le remercia.

Or dans S. Iean d'Angely commandoit le Duc de Roan avec deux mille hommes de pied & trois cens cheuaux pour les disposer à soustenir le siege; là fit prouisionner de pouldres, d'armes & munitions de viures y enuoyez de la locale, & ne voulant s'y enfermer, y laissa pour Lieutenant le sieur de Soubize son frere, avec le sieur de Hauteontaine.

Le 18. May la place fut inuestie par Monsieur d'Auriac Marechal de Camp, par commandement du Roy &, le

19. ensuiuant le Camp fut formé entierement , & le Duc d'Esdiquieres en prit la charge.

Auparauant que la place fust bloquée, le Duc de Rohan qui estoit dedans se retira , & laissa en son lieu son dit frere le sieur de Soubize, pour la deffendre & garder, l'assurant qu'estant assiégué, il le reuertiroit en bref avec bon secours.

Monsieur le Conestable considerant que le dit sieur de Soubize s'alloit perdre au soustien de ce siege , en la faueur de l'alliance qu'il a contractée avec la maison illustre de Rohan , desiroit le tirer du peril où il s'alloit engager, luy enuoye de sa part le sieur de Splende, pour l'exhorter à l'obeïssance de la Majesté, & à la reddition de la place : mais estant fortifié des conseils dudit sieur de Haute Fontaine & de la resolution temeraire des siens , se delibere d'attendre le Canon du Roy.

Sur cette resolution, Monsieur le Comte d'Auriac Mestre de Camp des armées de la Majesté, par son commandement fait bloquer & inuestir S. Iean le 18. May, & le lendemain 19. le Duc de l'Esdiquieres prit la conduite de l'armée avec le Marechal de Brissac, & arriuerent au Camp.

Le Marechal de Brissac commandant l'armée du Roy estant sorty le Ieudy 27. de May, accompagné de Monsieur le Comte d'Auriac Marechal de Camp , & de plusieurs volontaires, avec dessein seulement de passer pour marcher en la plaine, qui est entre Sainct Iulien & Sainct Iean d'Angely, & ayant à peine passé les ponts qui trauersent la riuer de la Boutonne, toute ceste Noblesse volontaire courut vers les murailles de la ville, & eurent le courage qui auoit de bien seruir le Roy contre ses ennemis: ce qui occasionna ceux de dedans de faire sortir quinze mousquetaires, soustenus de trois ou quatre cens hommes de pied de quarante à cinquante Maistres bien armez & montés qui parurent aussitost que le sieur Marquis de Themis suruy de quinze ou seize Gentils-hommes en pourpo

16
courut à toute bride contre ceux qu'on auoit enuoyé pour
les amorcer au combat, & franchit avec enuiron cinq ou
six de sa troupe le fossé où ils estoient logez, & les contrai-
gnit de luy abandonner : Là furent blesez les cheuaux de
Messieurs de Chappes, & de Bouteville, & parut le gros
des ennemis, quatre desquels, armez de toutes pieces, &
monterez aduantageusement, sauancerent vers les nostres,
& demanderent si quatre voudroient tirer contr'eux vn
coyp de pistolet : Le Baron de Montenac le leur accorda
volontiers, quoy qu'il fust en pourpoint; les sieurs de saint
Michel, Saldanis, & Nauailles voulurent l'assister; & ap-
prochans de douze pas, estoient pres de les joindre, si les
mousquetades tirées d'un & d'autre costé n'eussent causé
leur separation.

Ainsi il n'y eut pour ce iour qu'une legere escarmouche,
faite par Monsieur de Pigeoliet.

Le Vendredy 28. May, la place fut recogneuë par Mon-
sieur le Comte d'Auriac, lequel voulut engager les enne-
mis à quelque combat: mais il fut impossible.

Le Samedi 29. Monsieur le Duc de Lesdiguières grand
Mareschal de Camp, General des armées du Roy, arriva
saint Iulien, & entra en possession de la charge & con-
uite du Camp Royal, Monsieur de Brillac la luy ayant
remise: & estant allé trouuer le Roy à Chizé, mondit sieur
Lesdiguières voulut d'abondant recognoistre la place,
y fut accompagné par Messieurs le Prince de Guille,
duc d'elbeuf, Mareschal de Chosne, de la Rochefoucault,
saint Luc, Termes, & plusieurs autres Seigneurs, & gens
qualifié: Les ennemis firent sortir quelque infanterie,
qui fut repoussée par les nostres. En cette charge Monsieur
d'elbeuf fut blessé d'une mousquetade au gras de la jambe.
Le Dimanche 30. & iour de la Pentecoste, Monsieur le
Mareschal de Lesdiguières commanda à Monsieur le Com-
te Mauruers & de Fontenay, tous deux Maistres de Camp

des Regiments de Champagne & Piedmont, desloget dedans le faux-bourg de Taillebourg, à quoy ils obéirent promptement, & firent leur barricade à cinquante pas de celle des ennemis.

Le Lundy dernier iour de May, le Duc de Lesdiguières alla sur le midy au faux-bourg susdit, pour faire mettre en pouldre vn portail, gardé par les assiegez: au premier coup de canon, les Princes de Guinille & Cardinal de Guise allerent au logement du Comte de Mauruers, pour s'approcher plus près des ennemis: le sieur de Pigeollet premier Capitaine, & Lieutenant Colonel du Regiment de Champagne, attaqua leur barricade si viuement que son Sergent y fut tué.

Ces deux Princes y accoururent, & forcerent la premiere & seconde barricade, où demurerent plusieurs volontaires, qui blessés de mousquetades, manquoient d'haleine mais non point de courage. On conte Monsieur de Humieres entre ceux qui furent blessés en faussant la seconde barricade; la troisieme resta aux ennemis, pour ce qu'il se trouua que trente des nostres pour l'attaquer: là furent blessés de mousquetades le Comte de Mauruers, qui en est mort, & Messieurs d'Auennes de Dauphiné, & Nauailles de Béarn.

Le Marquis de Themines y commandoit & voulut rappeler le Baron de Montenac, qui s'estoit auancé dix pas plus que le reste de la compagnie: mais on ne prit garde ce qu'il disoit, tant vn chacun estoit eschauffé au combat & estourdy des mousquetades que leur tiroient les ennemis de dedans; douze ou quinze des nostres firent barrière de proche de la leur, de la portée du pistolet, encor qu'ils fussent en pourpoint: De ces quinze furent les sieurs Bressieux, Chodebonne, Chetin, Montenac, Marignol, Crezannes fils de Monsieur de Bordet, d'Escriu neuve, Monsieur le Cardinal de Rets;

Ils furent plus de demie heure sans qu'on leur voulust donner ny picquiers ny mousquetaires pour les soutenir, & furent commandez plusieurs fois de se retirer, ce qu'ils ne voulurent faire, se resoluant de mourir plustost que de quitter l'honneur qu'ils auoient acquis si glorieusement: en fin y estants contrains, ils retournerent, apportans les corps du sieur de Bois-Verdin l'un des Capitaines du Regiment de Nauarre, & de deux Soldats qui y moururent, ne pouuans permettre que les ennemis triomphaissent de la mort de ceux qui les auoient fait trembler en leur vie; Monsieur de Guinille & Monsieur le Duc de Chaune y furent marchandez chacun d'une mousquetade, qui perça leur chapeau.

Le combat ayant duré trois bonnes heures, le Duc de Lesdiguières fit commander la retraite, adonc chacun quitta ses barricades. Le Roy & Monsieur le Connestable accueillirent fauorablement ceux qu'on remarqua auoir bien fait en ceste occasion.

Le Mardy premier iour de May, le Roy fit abattre deux tours de la ville à coups de canon, & démonta vne de leurs grosses pieces.

Le Mercredi deuxiesme du mois, sa Majesté enuoya un Herault d'armes, faire commandement à Monsieur de Mubize de luy rendre la ville entre ses mains, sur peine d'en estre déclaré criminel de leze Majesté.

Le Herault dit ces mots :

Je Roy Benjamin de Rohan, le te commande de la part du Roy ton souuerain Seigneur & le mien, que tu ayes à luy ouvrir portes de sa ville de S. Jean d'Angely pour y entrer luy & sa son armée à fauce de ce faire, se te declare de la part du Roy ton souuerain Seigneur & le mien, criminel de leze Majesté diuine & humaine, au premier chef, ses maisons & chasteaux, & ses biens acquis & confisque au Roy, & Roy & toutes sa cruté declarez retrairers.

A quoy dit ledit sieur de Soubize, qu'il estoit tres humble
serueur du Roy, qu'il n'estoit que soldat, & ne pouuoit respon-
dre auant que d'auoir communiqué ce commandement à l'Assem-
blee de la Rochelle & à son frere le Duc de Rohan, & comme il
parloit la teste couuerte, le Herault luy replicqua, Scaches
que tu ne me don respondre ny comme Capitaine ny comme Sol-
dat la teste couuerte, & que quand ie te parle de la part du Roy
mon souverain Seigneur & le tien, tu dois auoir la main au chap-
peau: Là dessus le sieur de Haute-Fontaine dit au Herault,
le Roy excusera, s'il luy plait, Monsieur de Soubize n'a iamais
esté sommé. Et s'en retournant ledit Herault sans autre
resolution, trouua le sieur de la Salle Capitaine des Gar-
des, auquel il dit qu'il n'y auoit aucune obeysfance, &
qu'il falloit tirer.

Aussi tost par l'ordre qu'en donna le Roy on fit deux
attaques, l'une nommée le travail du Duc de Chaune, &
l'autre celle des Gardes du Roy, & l'une & l'autre ont fa-
tant, qu'après plusieurs trenchées, gabionades & trauerses
de terres & fascines, elles paruindrent auprès du fossé, &
la façon qui s'ensuit.

Le Mercredy 16. Iuin le Duc de Chaune se trouua atta-
ché à une tenaille, où soudain après le commandement du
Roy, il fit faire une mine à la dite tenaille, pour à laquel-
le arriuer, on auoit fait plusieurs tranchées; ce travail fut per-
illeux, & y eut plusieurs personnes tuées, tant d'un par-
ty que d'autre; cependant les batteries de sa Majesté faisoient
leur deuoir avec vtilité. En ceste journée ne se passa au-
cune chose de remarque, si ce n'est le travail ordinaire, où l'on
n'oublia point d'entretenir les trenchées de feux con-
nues.

Le Ieudy dixseptiesme dudit mois, toute la Cour se pre-
para pour aller aux trenchées, & l'on ne vit jamais rien
si beau que tous les Seigneurs de la Cour, qui à l'enuie
de l'autre se dispoient à faire paroistre la generosité

leur courage, & la galanterie de leurs armes ; l'on croyoit
 assurément que l'on feroit jouer la mine ce iour là, & que
 de viue force à coups de main on l'emporteroit, & que
 tous les auanturiers seroient mis avec des halebardes à la
 teste des piques, armez de leurs armes ordinaires pour faire
 l'effort. Ceste iournee se continua de mesme que la pre-
 cedente, qui attaquant, qui deffendant, tant à coups de
 Canon, de mousquets, & de grenades, que de faucôneaux
 & harquebuses de chasse, de quoy on remarque qu'ils ont
 tué la pluspart de ceux qui ont esté tuez du costé du Roy.
 Le Vendredy dixhuitiesme on se resolut de faire jouer
 la mine, & apres l'ordre donné en semblables affaires, les
 auanturiers, entre lesquels estoient personnes de tres-haute
 qualité, comme Monsieur le Comte de Harcourt, le Duc
 de Re's, le Duc d'Aluy fils de Monsieur le Comte de Chom-
 art, le Baron de Rabat, le Comte de Lude, Monsieur de
 Mars, Monsieur de Saint Brisson, le Comte de Chasteau-
 eux, le Marquis de saint Chaumont, le Marquis de
 Rouillac, le Marquis de Vileroy, le Marquis de la Varen-
 tion, le sieur de Borbonne, le Baron de Sauardin, le Ba-
 ron d'Escry, le sieur Arnaud, le Comte de Terigny, le sieur
 Balagny, le Vicomte de Betancourt & plusieurs autres
 seroient trop long à décrire, demanderent à passer à la
 mine, ce que Monsieur de Termes qui commandoit lors
 les tranches ne leur voulut point permettre, & faisant
 mener teste aux piques deuers eux, les empescha de passer.
 soudain apres auoir fait mettre chacun à son poste, fit
 tirer le feu à la mine, qui éboula la terre, en façon que dis-
 cement on y pouuoit monter; si tost que la mine eust fait
 son effet, les corps ordonnez pour ce donnerent, & les Sieurs
 d'Estiors, le Marquis de Saint Chaumont, le Che-
 valier de Valence, le Marquis de Rouillac, le Baron de Ra-
 bat, le Baron de Sauardin, & le Sieur de Boyer, monterent
 par dessus

par dessus les tranchées quelques vns armez, & quelques autres desarmez pour se trouuer à la teste des premiers qui donnoient: mais ils furent receus par trois cens piques qui sortirent du retranchement qui estoit dans la dite tenaille, & tant à cause de ce qu'ils estoient fermes sur leurs armes, & que le terrain leur estoit assésuré souz leurs pieds, que parce que leur front estoit plus grand que de ceux qui les attaquoient, ils repousserent les nostres, qui ne pouuoient monter qu'à peine, enfonçans dedans la terre jusques au genouil.

Là fut tué le Baron d'Esery, qui estoit desarmé, & le Baron de Sauardin d'une mousquetade dans le corps, à cause de la foiblesse deses armes; de Tiors fut blessé au visage d'une grenade, & son cadet d'un coup de pierre sur le nez, les sieurs Marquis de saint Chaumont, Marquis de Rouillac, & le Baron de Rabat furent portez par terre de coups de piques & de mousquets, & blesez legerement de leurs cheutes à cause de la pesanteur de leurs armes. Durant ce temps-la les Gardes du Roy de leur costé trouuoient toujours pour l'approcher du fossé, où vn nommé Sarius eut vne mousquetade dedans le corps à la batterie; & plusieurs Soldats & Officiers tuez: le travail fut arresté à vne toise de l'ouverture du fossé, attendant qu'une batterie Royale de dix canons fut dressée, & qu'un pont sur quoy l'on proposoit de passer ledit fossé fut acheué de fabriquer.

Le mesme iour l'après-dinée l'on commença de faire vn logement dans la dite tenaille, au lieu où la mine auoit fait son effect; lequel fut grandement incommodé du canon de l'ennemy, & là furent tuez plusieurs personnes d'une part & d'autre, & du costé de l'ennemy, le sieur de Haute-Fontaine, ame de leurs affaires, & le sieur de Nieul, Capitaine de cent hommes dans la ville.

Le sieur de Pigcolet Lieutenant Colonel du Regiment de Champagne commença ce logement, où le Baron de

Rabat & le Marquis de Roüillac, conjointement, porterent les premiers tôneaux, en pourpoint, & lors ledit Sieur Marquis de Roüillac prit commission d'en aller porter l'aduis au Roy & au Conseil, & de luy monsterr la forme du logement; Ce qu'il fit.

Cesté journee se passa en escarmouches continuelles, où il ne fut blessé aucuns chefs, quel' Enseigne de Chatelus, Capitaine du Regiment de Rambure, d'une mousquetade à trauers son hausse-col.

La nuit l'ennemy donna plusieurs allarmes aux trauailleurs, ayant fait plusieurs fois mine de sortir sur nous fausement, à la fin, sur la pointe du iour, ils firent vne sortie de soixante hommes à pied, qui furent repoussez vigoureusement par les attaquans, où se signalerent entre autres le Sieur de la Fucillade, le Sieur de Boyer, le Marquis de Roüillac, le Vicomte de Betancourt, le Baron de Rabat qui eut vn coup de pistolet dans son poit, & le Sieur de Mayne, à qui les ruines d'un coup de canon a blessé grandement le visage.

Le Samedi dixneuuesme, l'on trauailla tousiours à agrandir le logement susdit, où il y eut continuation de personnes tuées de part & d'autre: Ceux de la ville pointerent deux pieces de canon; ce qui incommoda fort nos gens, & les batteries du Roy incommoderent aussi grandement les leurs qui trauailloient au retranchement de leur costé: la nuit se passa de mesme.

Le Dimanche vingtiesme, le Roy commanda vne mine trau au mesme lieu, à quoy on a trauaillé, l'apresdisnee on se trouua si proche de l'ennemy, & si auant dans leurs breches, qu'on ne se pouuoit plus faire de mal qu'à coups de pierres; le sieur Marquis de Roüillac fut blessé legerement d'un coup de pierre par la teste, le sieur Arnaud fut aussi blessé d'un coup de pierre.

Le vingt-vniesme on a continué le trauail, & ne s'est rien

fait de remarque, sinon que le soir l'ennemy preuoyant sa ruine, fit sortir vn de leur maistre de Camp nommé Pibernier, au fauxbourg d'Onix, où commande Monsieur Zamet, pour parlementer avec Monsieur de Chastelier maistre de Camp, lequel il supplia d'auoir en recommandation sa femme & ses enfans, & d'estre son intercesseur auprès du Roy.

Le Mardy vingt-deuxiesme, Monsieur de Soubize enuoya par deuers ledit sieur Zamet vn trompette, le matin & le soir avec quelques lettres pour Monsieur le Connestable, lequel fut mené au Roy, & cependant ils pointerent vn Canon contre le trauail dudit sieur Zamet, & si tost que le trompette fut r'entré dans la ville, ils le firent tirer, & de ce coup, le sieur Zamet, le sieur Marquis de Rouillac, le sieur de Chastelier, & quelques Capitaines du Regiment de Picardie qui s'estoient arretez à voir r'entre le dit trompette, furent tous couverts de terre, en grand danger de leurs personnes.

Sur le soir, vn soldat de la compagnie du maistre de Camp du Regiment de Picardie, n'estât qu'en pourpoint, prit & emmena prisonnier vn soldat de la ville, armé de sa cuirasse & de son pot, estant en sentinelle perduë, l'espee nuë à la main.

Le Mercredi, veille du iour de saint Iean au matin, la batterie de dix Canons dressée à la porte de Niort, de l'aduis de Monsieur d'Espernon, fut commencée avec grand perte & dommage de l'ennemy, & a continué le reste de la journée avec vne tempeste furieuse.

Le mesme iour vn trompette est sorti de la ville, demandant à par'er au sieur Zamet, de la part de Monsieur de Soubize; sa charge estoit de demander sauf-conduit pour vn Gentil-homme nommé Montmartin, enuoyé par le sieur de Soubize vers Monsieur le Connestable, lequel fut conduit par le sieur Zamet Marechal de Camp en l'ar-

me du Roy.

En fin sa Majesté vaincuë par vn execz de sa naturelle bonté, voyant ses ennemis implorer sa grace, leur accorda benignement ce qui ensuit.

1 Premierement, le Roy ne pretend faire aucun traicté, mais pour la supplication tres-humble, plusieurs fois reïteree de ceux qui sont dans saint Iean d'Angely, sa Majesté leur pardonne à tous également, de quelque qualité ou condition qu'ils soient, tout ce qui s'est faict & commis durant le siege d'icelle: à condition qu'ils demanderont pardon, & iureront de demeurer eternellement sous son obeïssance, & qu'ils ne porteront iamais les armes contre son service, sous quelque cause ou pretexte que ce soit.

2 Sa Majesté entendant aussi, comme elle a tousiours fait, qu'ils jouissent de la liberté de cōscience, suivant les Edicts de sa Majesté.

3 Sous ces conditions sa Majesté leur fait cette grace, accordela liberté de leurs personnes, & les a remis dans la jouïssance de leurs biens, comme ils estoient auparauant, & ceux qui se voudront retirer, sa Majesté leur fera donner sauf-conduit pour leurs personnes, armes & cheuaux.

4 Et pour toutes autres demandes par eux faites, elles demeurerōt au vouloir de sa Majesté, pour en faire ainsi qu'elle aduisera bon estre.

Faict & passé au Camp deuant saint Iean d'Angely, le 25. Iuin 1621. signé Louys, & plus bas, Brissard, & scellé.

Aussi ceux que le sieur de Soubize enuoya au Roy signerent l'acceptation de la grace que sa Majesté leur faisoit.

Toutes ces choses passees au Camp, le Samedy ensuiuant

26 Iuin la Garnison sortit de saint Iean, environ quinze hommes de pied, le mousquet sous le bras, & quelques six vingts cheuaux; entre lesquels estoit le sieur de Soubize, qui l'allant jeter aux pieds du Roy, obtint grace & pardon, & furent conduits trois lieues hors le Camp par

les cheuaux Legers de sa Majesté.

Cela fait, le Duc d'Espenon se saisit de la place, pour le Roy, empesche le desordre des soldats, & fait chastier les plus insolents.

Et depuis par cōmandement de sa Majesté, on commença à travailler à remplir les fossez de saint Jean, & pour cet effect fait démolir & abbatre ce qui restoit des murailles de la ville, ne voulant pas qu'il soit plus parlé de saint Jean d'Angely, ne qu'il y ait plus de ville, mais vn gros bourg quel'on appellera le Bourg-Louys, où la Majesté fait bastir vn Couuent de Capucins, & y a déjà fait planter la Croix.

Le Roy continuant ses victoires, & s'en allant assieger la ville de Pons, distant de neuf lieuës de saint Jean, on lui apporta les clefs dans Coignac, & se sont rendus à son obeïssance le 30. Iuin.

Pour la Rochelle le Roy quittant la Xaintonge, a laissé le Duc d'Espenon avec huiët mille hommes de pied, & douze cens cheuaux pour l'inuestir & bloquer, & pour assseurer le bas Poictou, le sieur de Roches demeure en garnison à Luçon avec trois cës hommes de pied, & vne compagnie de cheuaux legers : Le sieur de la Pelissonniere, de la ville de Thalmond avec quatre cens hommes de pied, & vne compagnie au Chasteau.

En Guyenne ceux de la Religion, conduits par le Duc de Rohan & Marquis de la Force, firent sousleuer Nerac contre sa Majesté.

Le Duc de Mayenne s'y achemine aussi-tost, & l'assiege avec huiët mille hommes : pendant quoy ils surprennent Caumont, qui fut presque aussi tost reconquis que pris par ledit sieur Duc, y estant demeurez des leurs plus de quatre cens hommes : & poursuivant en apres le siege de Nerac, les contrainst de telle sorte, que n'en pouuants plus, se sont rendus au Duc de Mayenne, en l'obeïssance du Roy, le 1. Iuillet, Bergerac craignant l'armée Royale porte les clefs

au Roy, dans Saint Emilian le 2. Iuillet : plusieurs autres places se rendent.

Mais Clerac, ville scize sur Lot, attend les armes du Roy, soustient le siege quelques deux iours, denant la place meurt vn Capitaine courageux Mōsieur le Baron de Termes: la place finalement est rendue au Roy, cinquante mil escus donnez aux soldats, & quatre des habitans pendus.

Voyons maintenant ce qui se passe à Montauban.

Montauban est vne ville des plus fortes qui soit en France, elle est edificee sur la crouppe d'une haute coline, qui decouure de loing tout ce qui la peut aborder. Sur le declia & panchement d'icelle est construit vn pont de grande estendue, souz lequel passe la riuere de Tar, qui luy amene de grandes commoditez, pour entretenir ceux dont elle est bien peulee; la riuere qui laue le bord de ses murailles luy est vne grande deffence, qui est du costé de Thoulouze, dans la dite ville y a vne fort belle fontaine qu'ils appellent Griffon, laquelle fournit aux habitans toute la quantité d'eau qui leur est necessaire. Les habitans de dedans ont tousiours esté opiniastrés & rebelles cōtre leurs superieurs, autant de fois qu'elle a esté battue, ils se sont opiniastrés à la deffence; Souz le regne de Charles septiesme elle eust esté prise & demantelée n'eust esté que Estienne de Vignolles, & Ponton de Xaintrailles Capitaines des plus vaillants de l'armee y moururent, ce qui fit perdre courage aux soldats, qui leuerent le siege. Ceste ville a esté tousiours inuente, plus pour les forteresses que richesses. Ceux de la religion pretendue reformee l'en inuestirēt es années 1562. 1563. & la remplirent de toutes sortes de gens determinez pour l'entretenement d'une rebellion; elle fut assiegee trois fois, dont elle resista pour lors, attendu qu'il iurait à l'Estat des affaires, qui estoient de plus grande consequence que n'estoit sa prise; la vengeance celeste la suit, faut croire que les villes, qui denient l'obissance à l'au-

thorité Royale, sont en fin chastiez.

Le Roy voyant que le chastiment de la ville de sain^t Jean d'Angely & d'autres, n'amolissoient point la dureté & l'opiniastreté de ses subjects de Montauban, apres auoir v^u des voyes les plus douces, a fait inuestir leur ville le 20. iour d'Aoust. Ce siege a déjà esté fort furieux : car la resistance y est opiniastre, les passages les plus importants sont boucléz. Sa Majesté a vne armee de plus de trente mille hommes, elle est battue par cinq diuers endroits, au premier quartier est le Roy, du costé des sables & moulins à eaux, & de l'autre costé à main droite est le quartier de Monsieur le Duc de Mayenne, ces deux batteries sont flanquées contre le petit Montauban, & à main senestre est le quartier de Monsieur le Connestable, par delà la riuier. Les deux autres batteries sont commandees, sçauoir, l'vne par Monsieur le Prince de Ioinuille, & l'autre par Monsieur le Duc de Lesdiguières, & Comte de Bassompierre, tous les quartiers ensemble sont composez de quarante-deux pieces de Canon.

Le quatriesme iour du mois de Septembre, Monsieur le Duc d'Angoulesme, par commandement de sa Majesté, fut enuoyé avec deux compagnies de chascun Regiment, & en outre douze Cornettes de Cauallerie, faisant le tout enuiron trois mille hommes de pied, & douze cens Cheualiers, pour aller au deuant des troupes de Monsieur de Rohan, qui venoit au secours de Montauban; Comme ledit sieur Duc d'Angoulesme eust eu aduis que le Marquis de Malause, qui commandoit aux plus belles troupes de l'armee dudit sieur Duc de Rohan, venoit, & qu'ils estoient logez en vne place non forte, & de fort petite consideration, avec deux mille hommes, prit alors courage de les aller attaquer; il renuersé & met en pieces, d'vne telle ardeur & furie, qu'apres en auoir tué plus de quatre cés; pris leurs Chefs & quantité d'autres prisonniers, se rend maistre de

la place, & les autres restans se sont finalement rendus au Roy, & à la mercy dudit sieur Duc, qui leur a benignement donné la vie, apres auoir presté serment de ne porter jamais les armes contre la Majesté.

Les Drapeaux & Enseignes qui furent prises, ont esté enuoyees au Roy, qui a eu le seruice agreable.

Nous ne doutons point que les ennemis rebelles au Roy n'ayent fait courir le bruit de ce qui se passa les six & septiesme dudit mois de Septembre, aux assauts qui furent donnez par Monsieur le Duc de Mayenne à ladite ville de Montauban, comme si c'estoit chose qui fust grandement à leur aduantage : Car qui sçaura la verité de l'histoire, iugera que ce qui s'y exploita à la prise de leur bastion sera la ruine de la ville : encore qu'il y soit mort quelques Nobles & quelques soldats des nostres ; c'est vne gloire pour eux, puis qu'il n'y a pareil honneur que de mourir pour la gloire de son Roy, & pour son seruice.

Le 8. du present mois ledit sieur Duc fit donner vn second assaut au mesme endroit, avec bonne quantité de Caualliers volontaires, & grand nombre de soldats, gaigne vne demy-lune. La demy-lune gaignee, ainsi que dessus, ledit seigneur Duc de Mayenne y a fait aussi tost monter l'artillerie, & de là tire sans cesse sur la ville avec de grands effets, & qui effrayent fort les habitans.

Le leudy 19. dudit mois de Septembre, Monseigneur le Duc de Mayenne, allant visiter les tranchees, pour voir où il feroit donner l'assaut general le Vendredy ensuiuant, fut tué d'un coup de mousquet qui luy donna dans l'œil gauche, dont il est tombé mort sur la place, sans iamais pouuoir parler ny dire vn seul mot, & fut frappé de trois à quatre cens pas.

L'onzieme iour d'Octobre, les ennemis rebelles de Montauban firent vne sortie en nombre quatre cens hommes, vne heure auant le iour, sur le quartier du Regiment des Gar-

des Gardes de la Majesté, où surprenant quelques soldats aux tranches, qui ne faisoient pas bonne garde, les poursuivirent jusques auprès du Canon, & en tuerent quelque nombre, jusques à l'arrivée de Monsieur le Marechal de Themines, qui d'un courage genereux, suivi d'une belle Noblesse volontaire, repousserent les ennemis jusques dedans leurs portes: apres deux heures de combat, où l'on ne se recognoissoit qu'à la lueur du feu des mousquetades, cette Noblesse y paroissoit non en Soldats, mais en Lyons pleins de valeur, la picque à la main, forçant les ennemis de se retirer, avec une notable perte des leurs, & y gaignerent les nostres un Ravelin de dehors, sur lequel fut monté aussi tost le Canon, qui battoit les courtines de la place, & au travers des brèches de la muraille, les maisons & edifices de la ville: Du costé du Roy y fut tué monsieur de Fourilles Capitaine de ses Gardes, fort regretté pour sa valeur.

Le treiziesme du mesme mois, la Majesté se treuva de bon matin au Camp, & voulut estre present à une furieuse batterie de vingt piéces de Canon qu'elle avoit commandé, & que l'on commença à la mesme heure faire tonner sur les ennemis, ce qui les contraignit de se retirer du lieu où ils traavailloient aux retranchements, avec ardeur & diligence: car ces commencemens réussirent de telle sorte à nostre avantage, qu'apres environ trois cens coups que l'on tira cette mesme journée, on détacha deux grands gabions de l'ennemy, qui en demeura par consequent grandement incommodé.

Le lundy 14. dudit mois, la mesme batterie de vingt piéces de Canon redoubla encore, avec beaucoup plus d'effets que le jour precedent.

Ce mesme iour, au quartier de Monsieur le Prince de Joinville fut eslevée une autre batterie de douze piéces, qui commencerent à battre la ville en ruine, de maniere qu'on y voyoit voler les cheminées & les faistres des maisons en l'air.

Autres batteries d'autres quartiers donnerent en mesme temps, qui estoient merueilleusement les Rebelles en leurs effects, & aduança-on de ce coup quelques soixante pas dans leurs retranchemens, & gaigna-on sur eux vn bastion, sur lequel on se planta, non sans perte de quelques vns des nostres, & de plus de cent des leurs: de maniere que depuis l'onzième d'Octobre jusques au quatorzième, furent tirez sur la place plus de six mille coups de Canon.

En Dauphiné, le Comte de la Suze se dispose à leuer des troupes, pour joindre le sieur de Montbrun, & aller ensemble trouuer le Duc de Rohan: mais il en fut empesché comme verrez par le discours qui ensuit.

Ce seigneur estoit l'un des premiers flambeaux de la Rebellion, & ayant esté esleu l'un des Chefs des Rebelles, se mit le beau premier à leuer des troupes: voyant le Roy occupé au siege de Montauban, il s'achemine en Dauphiné avec quelques Gentils-hommes qu'il auoit tirez de Montauban, & quelques autres qu'il auoit ramassez en passant, & s'en alloit en intention de joindre le sieur de Montbrun, qui auoit nombre d'hommes sur pieds pour surprendre Grenoble: mais Dieu permit qu'à demy-lieuë de Grenoble, ils vindrent passer par Gieres, pour aller à la Mure, où ils esperoient joindre le sieur de Montbrun, & auoient assignation de s'y rendre le 18. d'Octobre; là ils rencontrent quelques paysans qui se mettent en deffense, & demandent où ils vont; Le Comte de la Suze dit qu'ils n'en ont que faire, & qu'il passera en dépit d'eux, & ne leur veut dire quel il est, ny où il va, & en cette resolution les charge: Eux se mettent en deffense, & talchent de les empeschier: mais apres trois paisans tuez & cinq ou six de blesez, ils furent contraincts de les laisser passer.

Eux eschappiez de ces paysans, picquent & passent toute la nuit à courir: mais ne sçachants pas les chemins, Dieu voulut qu'au lieu de s'auancer ils reculoient, & s'en alloient

à l'auanture ; en fin ils se trouuerent en vn village appellé
sainct Mury, & s'adresserent à vn paysan, & le prierent de
leur monstrier le chemin & qu'ils luy donneroient quatre
pistoles ; luy leur accorde, & cependant dit à vn sien
valet qu'il aduertist les Communes, & les fist assemble
pendant qu'il les abuseroit & les meneroit par les precipi
ces qui sont aupres de Muronette : l'effect reüssit selon son
intention, voila ces gens engagez parmy les rochers, & en
uironnez de trois à quatre cens paysans, armez à la villa
geoise qui se presentent, à eux ; Là dessus, déjà assez estor
nez, pour se voir en des lieux desauantageux à la Caualle
rie, les paysans crient qu'ils arrestent & posent bas les ar
mes, autrement ils sont morts ; & là dessus tirent quelques
coups de mousquet : eux s'estonnent & taschent de se sau
uer, mais il en fut pris vingt-cinq pour l'heure, & entr
autres le dit sieur Comte de la Suze, & menez sur le char
à Grenoble, & mis entre les mains du premier Preside
nt & du sieur de Morges Gouverneur, qui les ayant fait me
tre en trois carrosses, les firent conduire en prison, apres
auoir interrogez : Ils furent trouuez saisis de missiues de
dit sieur de Montbrun, du plan de la ville de Grenoble ; p
lesquelles missiues on a sceu leur dessein, qui estoit d'assi
ger Grenoble du costé de la porte de Lesdiguières, se fai
del'Eglise de saint André, & battre la ville en ruine :
qui se deuoit faire le 17. Octobre, & jeter avec quarant
ou cinquante fregattes, cinq ou six mille hommes de da
prendre les plus riches à rançon, faire mourir le prem
President, & autres qui leur nuisoient, & piller la vi
Estants ainsi emprisonnez, les procez verbaux furent au
tost enuoyez au Roy, pour auoir sa volonté & comme
dement sur ce qui en sera fait.

Enuiron ce temps, en Normandie fut découuerte
autre puissante faction, tramee par l'Assemblée de la R
chelle, & entreprise d'exécuter par vn nommé Vatteur

Montchrestien, qui depuis la reduction de Sully, où il se-
 stoit jetté, se retira à la Rochelle, & receut de ladite Assem-
 blée cent ou six vingts Commissions pour leuer des trou-
 pes en Normandie, & y assembler vn corps d'armée en leur
 faueur : Ses pratiques furent faites és villes de Donfront,
 Alençon, Argenton, Falaize, & autres lieux du Perche, où
 l'entree luy estoit facile de communiquer avec les partisans
 des Rebelles à sa Majesté, gaigne quantité de Gentils-hom-
 mes & Capitaines, auxquels il deliure Commissions & ar-
 gent pour faire ses leuees, & fait jusques à trois ou quatre
 cens hommes, parmy lesquels il court la campagne avec
 vn dégast estrange : Les Duc de Longueville & sieur de
 Maignon, qui ont aduis de ces Bandoüilliers leuez, qui
 courroient la Prouince, enuoyent promptement nombre
 de gens de guerre, avec les Preuosts, pour charger ledit
 Vatteuille & les siens, qui auoit pris sa retraïtte dans les
 bois & forests, des enuirs d'Argenton & Donfront. Ce-
 pendant, sans rien apprehender, Vatteuille continue les
 courses & ses leuees : mais le malheur pour luy, fut que le
 7. Octobre estant arriué de nuict au bourg de Tou-
 railles, distant de cinq lieues de Falaize & autant de Don-
 front, & logé luy huitiesme en vne forte hostellerie, Vat-
 guille s'estant retiré en vne chambre, de peur d'estre co-
 nneu, se fait donner à souper, & commande qu'on tienne
 ses cheuaux prests pour partir dās deux heures apres : mais
 n'eust loisir de ce faire ; car le sieur de Turgot, seigneur
 dudit bourg de Tourailles, estant en son Chasteau, distant
 d'un petit quart de lieuë dudit bourg, eut aduis de l'arriuee
 dudit Vatteuille en iceluy, il se resolut aussi tost de l'aller
 prendre ; il prend deux Gentils hommes qui estoient chez
 luy, avec ses domestiques, prend pour assistance quatre au-
 tres Gentils-hommes ses voisins & trois soldats, & va à
 l'hostellerie où estoit Vatteuille prest à partir, le somme de
 prendre, & inuestit l'hostellerie avec ce qu'il auoit de gense-

Vatteuille se met en deffense avec les siens, & tenant deux pistolets en ses mains, tire sus le sieur de Tourailles, luy tuë deux de ses Gentils-hommes & vn soldat; ledit sieur de Tourailles, qui auoit esté failly, ne faillit pas son homme, il tuë ledit de Vatteuille, arreste son valet de chambre fort blessé, pendant quoy ses compagnons le sauuent subtilement, quoy que blesez: Le corps mort de Vatteuille est porté au Chasteau de Tourailles, on y fait conduire le valet prisonnier, le fait interroger par le Iuge du lieu, & donne aduis de tout à Monsieur de Matignon qui estoit à Donfront, & en escrit à Monsieur le Duc de Longueuille & au Parlement de Roüen, ausquels il enuoye l'interrogatoire dudit valet, dépesche vers le Roy à Montauban pour scauoir sur cesa volonté. Monsieur de Matignon enuoy querir le cadauer de Vatteuille & son valet, & estât à Donfront, les Commissions de la Rochelle recogneuës, le 12 Octobre, apres les secondes informations faites, le Iuge de Donfront ordonne que Vatteuille attainct de crime de leze de Majesté, son corps mort seroit traîné sur vne claye rompu sur vne roüe, puis brulé, & les cendres jettees au vent: Ce qui fut confirmé par Arrest du Parlement de Roüen, & executé le 12. Octobre ensuiuant,

Pendant cecy, Montauban persistant en son opiniastreté, subsiste contre les armes du Roy: La saison de l'Hiver qui estoit proche, les maladies grandes en l'armee, les eaux comblans les trenchées, bref plusieurs autres incommoditez donnerent occasion au Roy de quitter le siege, pour reprendre au temps nouveau.

Non pourtant que sa Majesté desire pour cela laisser les Rebelles à leur liberté de mal faire: car en partant elle voulu laisser le Marechal de saint Geran avec vne partie de l'armee es lieux plus proches dudit Montauban, pour le tenir incessamment blocquez, empescher leurs courses, secours, & le raultaillement qu'ils pourroient auoir.

Sa Majesté s'achemine à Thoulouze le 1. Nouembre, le Dimanche ensuiuant y fit son entree, receut les submissions du Parlement & des Capitoux de la ville, & les assura par la bouche de Monsieur le Connestable, que sur le Printemps sa Majesté r'assiégeroit Montauban, & feroit voir de grâds effects de sa puillance.

Pendant que le Roy estoit à Thoulouze, se sont jettez dans la Comté de Foix trois mille hommes des Seuenes, grossis & guidez par les Huguenots du pays, jusques à quatre mille hommes, avec trois ou quatre pieces de Canon, & ont fait vn tel degast à la campagne, mesme aux auenües de ladite Comté du costé du Languedoc, qu'ils n'ont laissé maisons de Seigneurs ny de Gentils-hommes, qu'ils n'ayét mis à feu & à sang, Ils se sont voulus attaquer aux villes closes, mesme à vne petite que l'on nomme Varilles vers Pamiers, laquelle ils ont battue deux ou trois iours durant fort furieusement : Mais il est arriué que les gens du pays mesme, & ceux des monts Pyrenees proches delà, y sont accourus, parti mesme se sont jettez dedans ladite ville de Varilles, où ils ont fait des merueilles attendant secours du Roy, ont fait diuerses sorties, esquelles ils ont fait de grands carnages desdits Rebelles : De telle sorte que les charrettes de Pamieres, quiles fauorisoient, ont esté fort occupees à en emporter les corps : & le secours estant arriué, tous gens du pays, le 15. Nouembre à trois heures apres midy, lesdits Rebelles ont esté tous mis en déroute, & en est demeuré plus de huiet cens sur la place, deux de leurs Chefs ont esté pris, & plusieurs autres prisonniers. Ce qui donna vn grand contentement au Roy.

Vn autre faict arriua pendant le mesme séjour du Roy à Thoulouze, qui fut la rebellion de Monheur.

Monheur est vne petite ville sur la Garonne, qui n'a pas plus d'estendue & de circuit que le bois de Vincenne : mais toutesfois tres-importante, pour ce qu'elle occupe le grâd

passage de la dite riuere qui va de Thoulouze à Bordeaux.

Monsieur de Boisse Pardaillan, qui pour estre de la Religion pretendue reformee, & des plus estimez du party, ne laissoit pas d'estre bon seruiteur du Roy, auoit rendu cette place à sa Majesté, avec celle de sainte Foy, si tost que le Roy fut arriué en Guyenne, apres la prise de S. Iean d'Angely, qui fut cause que le Roy ne les fit pas raser & les luy fia en sa garde, sans y rien changer; Ledit sieur de Boisse ayant esté miserablement assassiné par les siens lors qu'il alloit pour remedier à la rebellion qui s'y formoit, & apres s'estant reuoltez tout à fait, ceux qui estoient dans ledit Monheur firent de grands rauages, tant sur la dite riuere de Garonne que sur la terre.

Sa Majesté qui en eut aduis dans Thoulouze, part aussitost, & s'achemine deuant la dite place, pour y chastier la rebellion, ayant avec soy vne grande partie de son armee. Elle se resolut del' assieger, & del' emporter à quelque sorte de prix: & de fait l'ayant assiegee, les Rebelles firent vne sort le 10. Decembre, à leur desauantage: car de deux cens qui estoient sortis, il en retourna peu qui ne fussent blesez, ou tre grand nombre de tuez.

Le Canon du Roy ayant fait de grands effets, & rompres de vingt toises de muralle, l'on se resolut d'y donner l'assaut: Ce que voyans les Rebelles, demanderent composition, laquelle le Roy ne leur voulut accorder qu'à discretion: Là dessus l'assaut se donne par Monsieur le Marquis de Themines, autrement dit de Losieres, qui y fut ble d'vne mousquetade à la jambe, dont il est mort du depe. Les rebelles bien estonnez, & voyans leur faute toute evidente, d'auoir refusé la place au Roy, crient la vie sauue misericorde, mais les gens de guerre n'ayans point d'oules, ains seulement les armes à la main pour y seruir le Roy, & chastier ses ennemis forcent les assiegez, de se rendre à la discretion du Roy entrerent en la ville, & s'en ren-

Le Roy leur donna la place au pillage, fait sortir toutes les femmes, auxquelles on faict passer la riuere par bateaux pour euitier la furie des soldats: les Garnisons & habitans, qui les auoient soustenus en icelle mis dehors & chassés de la ville le baston blanc en main sans chapeau: la ville puis apres à esté abandonnée aux flammes & mise en cendres, & ses fortifications ruinées pour marque memorabile de sa rebellion. Ce qui arriua le Dinanche 12. Decembre dernier.

Pendant le Siege Monsieur le Connestable qui estoit malade à Aiguillon, mourut le Mercredy en suyuant 15. de mesmemois: son corps ouuert & embaumé, fut mis en un cercueil & enuoyé à Blaye sur la Garonne.

Après la Reduction de Monheur, les sieurs Marquis de Mirabeau & Vicomte de Castetz, ayant promis ne porter plus auant les armes contre le seruice du Roy, se sont reuoltés derechef & ayant ioinct plus de 500. hommes pour jetter dans Sainte Foy, ont esté rencontrés Par Monsieur du Hallier, Capitaine des Gardes & frere de Monsieur le Marechal de Vitry, qui en a mis 400. en pieces, en lesquels est demeuré mort ledit Marquis de Mirabeau, qui estoit fils de feu Monsieur de Boisse, Pardaillan, & un des auteurs de son assassinat & plusieurs autres prisonniers au grand contentement de sa Majesté.

F I N.

Table des Matieres. pag

Relation general des conquestes et victoires du Roy Louis 13 en 1620	12
Descriptions des villes et places reduites. depuis le 28 d'août . . .	17
Lettres du Sr. Barrault au Sr. de Gournes	24
Recit de tout ce qui est arrivé à Saumur a l'arrivée du Roy 1621 . . .	28
Prise et reduction de Gergeau . . .	39
Prise de Castelles pres Montargis . .	42
De Sancerre	50
De Nerac et son chateau	54
De St. Jean d'Angeli	65
De la Rochelle	86
Deffaitte des troupes de Travaux le 18 juin 1621	137
Success de Louis 13. en quicquies . .	141
Reduction de la ville de Boni	148
Suite des Conquestes du Roy	170

le
le
po
pu
a
ou
lr
le
or
na
u
n
fi
o
ol
je
cu
cu
el
ni
n
n









